



Հայաստանի Հանրապետություն

ԱՇԽԱՏԱԺՈՂՈՎ

Էներգաարդյունավետության բարձրացման միջոցառումները և կայունության ապահովման հիմնախնդիրները բազմաբնակարան շենքերում

Բնակիչների շրջանում իրականացված հարցումների և համալիրությունների ուսումնասիրության արդյունքների ներկայացում

Բազմաբնակարան շենքերի էներգաարդյունավետության վերաբերյալ սպառողների կարծիքի ուսումնասիրությունն իրականացվել է «Շենքերի էներգաարդյունավետ արդիականացմանն ուղղված ներդրումների ռիսկերի նվազեցում» ՄԱԶԾ-ԿԿՀ ծրագրի (այսուհետ՝ Ծրագիր) պատվերով՝ «Բրեվիս» կազմակերպության կողմից: Ուսումնասիրության անհրաժեշտությունը պայմանավորված էր երեք կարևոր հանգամանքով:

Նախ, 2019թ.-ի վերջից ՀՀ տարածքային կառավարման և ենթակառուցվածքների նախարարության հետ Ծրագրի բանակցությունների արդյունքում բազմաբնակարան շենքերում էներգաարդյունավետության միջոցառումների կիրառումը ներառվեց պետական սուբվենցիոն ծրագրով նախատեսված միջոցառումների ցանկում: Հաշվի առնելով, որ այդ ծրագրերը ֆինանսական և տեխնիկական աջակցություն են ստանում նաև Ծրագրից, կարևոր էր ուսումնասիրել բնակիչների բավարարվածությունն իրենց շենքերում իրականացված էներգաարդյունավետության միջոցառումներից, փաստել դրանց արդյունքում շահառուների կողմից գնահատված օգուտները և, զուգահեռաբար, պարզել այլ շենքերի բնակիչների ցանկությունն ու ֆինանսական հնարավորությունը մասնակցելու վերոնշյալ սուբվենցիոն ծրագրերին:

Բացի այդ, էներգաարդյունավետության միջոցառումների կայունության ապահովման տեսանկյունից կարևոր էր վերհանել բնակիչների կարծիքն իրենց շենքերը կառավարող կառույցների և վերջիններիս կողմից շենքերի շահագործման ու պահպանման պարտադիր նորմերի կատարման վերաբերյալ, ինչպես նաև նրանց պատրաստակամությունը ֆինանսավորել այն լրացուցիչ ծախսերը, որոնք առաջանալու են ջերմամեկուսացված շենքերի շահագործումն ու պահպանումը պատշաճ մակարդակով ապահովելու համար:

Վերջապես, նկատի ունենալով բազմաբնակարան շենքերի կառավարման և պահպանման բնագավառում կառավարության նախաձեռնած բարեփոխումները, Ծրագրի շրջանակում իրականացվեց նաև համատիրությունների, որպես շենքերի կառավարման հիմնական կառույցի, առանձնահատուկ խնդիրների, կարիքների և կարծիքների ուսումնասիրություն՝ էներգաարդյունավետության միջոցառումների իրականացման և դրանց կայունության ապահովման հարցերի հետ կապված:

Սույն աշխատաժողովը նվիրված է վերը նշված երեք ուղղություններով կատարված ուսումնասիրությունների հիմնական արդյունքների ներկայացմանը և շահագրգիռ կողմերի մասնակցությամբ՝ ստորև ներկայացված օրակարգի հարցերի քննարկմանը:

ՕՐԱԿԱՐԳ

28 մարտի 2023թ.

ՄԱԿ-ի հայաստանյան գրասենյակի նիստերի դահլիճ (Պեդրոս Ադամյան 14)

10:00 - 10:30	Մասնակիցների գրանցում և սուրճի հյուրասիրություն
10:30 - 10:35	Բացման խոսք <i>Դիանա Հարությունյան, ՄԱԶԾ կլիմայի փոփոխության ծրագրերի համակարգող</i>
10:35 - 10:55	«ՀՀ քաղաքների բազմաբնակարան շենքերի էներգաարդյունավետության վերաբերյալ բնակիչների կարծիքի ուսումնասիրություն». ՄԱՍ 1. Էներգաարդյունավետության բարձրացման ուղղված միջոցառումների վերաբերյալ բնակիչների կարծիքները <i>Հասմիկ Առաքելյան, «Բրեվիս», հեղափոխությունների գծով տնօրեն</i>
10:55 - 11:15	Հարց ու պատասխան
11:15 - 11:35	ՄԱՍ 2. Բազմաբնակարան շենքերի կառավարման վերաբերյալ բնակիչների կարծիքը <i>Հասմիկ Առաքելյան, «Բրեվիս», հեղափոխությունների գծով տնօրեն</i>
11:35 - 11:55	«Համատիրությունների հիմնախնդիրները բազմաբնակարան շենքերի կառավարման և պահպանման հարցում» <i>Աստղիկ Միրզախանյան, ՄԱԶԾ կլիմայի փոփոխության ծրագրերի սոցիալական խոցելիության և գենդերային հարցերի մասնագետ</i>
11:55 - 12:15	Հարց ու պատասխան, քննարկում
12:15 - 12:35	«Բազմաբնակարան շենքերի կառավարման բնագավառի հրատապ խնդիրները և դրանց լուծմանն ուղղված կառավարության նախաձեռնությունները» <i>Տանյա Արզումանյան, ՀՀ քաղաքաշինության կոմիտե, բնակֆոնդի կառավարման և կոմունալ ենթակառուցվածքների վարչության պետ</i>
12:35 - 12:55	Հարց ու պատասխան
12:55 - 13:00	Ամփոփում, հետագա աշխատանքների ուրվագծում <i>Դիանա Հարությունյան, ՄԱԶԾ կլիմայի փոփոխության ծրագրերի համակարգող</i>